



Vaksdal kommune
post@vaksdal.kommune.no

Dale 13.04.2022

Vaksdal Næringssselskap AS
post@vnsas.no

Høyringsfråsegn frå Vaksdal Næringssselskap AS

Vaksdal Næringssselskap AS (VNS) er glade for at det føreligg ein god strategisk næringsplan. For VNS er det godt å endeleg få ein plan å jobba etter. Selskapet ser òg fram i mot ei etterlengta vitalisering. Vaksdal kommune sin strategiske næringsplan er som kjent nedfelt som mål i vedtektene til VNS. Kombinasjonen av ein tydeleg plan og ei vitalisering vil løfta VNS og næringsutviklinga i Vaksdal kommune opp til å kunne gjennomføre større prosjekt som t.d. K5.

Med ein vedteken plan kan VNS sjå lenger fram, men òg raskt ta tak i gründerar og «flaks» til faktisk handling. VNS er elles samde med EY som vektlegg K5-prosjektet som den største moglege sjanse til verdiskaping og varige arbeidsplassar med 250 av 600 nye arbeidstakarar i kommunen til 2035.

For VNS er det avgjerande å ha føreseielege og rimelege vilkår for å kunne gjera ein god jobb som hovudverktøy for næringsutvikling i Vaksdal kommune. Det inneber at VNS har:

- økonomiske rammer til å oppnå målsetjing i strategisk næringsplan gjennom årlege kommunebudsjett
- kapasitet til å oppnå målsetjing i strategisk næringsplan
- rullering av handlingsplanen kvart fjerde år
- godt samarbeid og kommunikasjon mellom politikk, administrasjon og næringsliv til ei heilskapleg satsing på næringsutvikling som igjen vil føra til auka busetnad og god samfunnsutvikling
- felles forståing av kva VNS skal gjere
- tydelege mål som VNS skal rapportere på. Der ein òg ser at service til gründer/entreprenørskap er eit tenestetilbod
- organisasjonen får høve til å opparbeida seg kompetanse
- eit aktivt styre med kompetanse
- vitalisere grafisk uttrykk, medium og heimesidene til VNS
- relevante aksjonærar og føreseieleg eigarskapsstrategi
- forpliktande samarbeid med Vaksdal Næringsråd (VNR) om bl.a. møteplassar og kompetanseutvikling

Med vedteken reguleringsplan for K5-prosjektet er det avgjerande å koma i gang med ei gong. Me må snarleg skjønna korleis større offentleg anbod fungerer for underleverandørar. Er me ikkje på tidleg i prosessane i dei ni hovudanboda for Arna-Stanghelle no, vil me i Vaksdal bli verdiskapt av



andre. Næringslivet i Vaksdal må sjølve stå for verdiskapinga. Me må ha rett kompetanse for å vita korleis og når ein kan koma på. VNS må i samarbeid med VNR og Vaksdal kommune utarbeide ein strategi for gjennomføring av K5 og arealutviklinga.

Eit anna viktig område som det er avgjerande å snarleg undersøkje er kva kan stå igjen av viktig infrastruktur, nybrottsarbeid og varige arbeidsplassar med K5. Eit døme på verdifull infrastruktur er djupvasskaien på Stanghelle som sto igjen etter utbygginga av E16 på slutten av 1980-talet. Varige arbeidsplassar kan vera ei hydrogensatsing gjennom Samferdsledepartementet og deira handlingsplan for fossilfrie anleggsplassar gjennom K5. Politisk målsetjing er å redusere CO2-utsleppa med 50% innan anleggssektor til 2030. Dette kan utnytta den fornybare energien som vert skapt i kommunen og gje tilgang på meir energi. Her vil største del av verdiskaping og arbeidsplassar skje sekundært. Med K5 som springbrett vil me kunne ta ein posisjon innan nye grønne verdikjeder gjennom nybrottsarbeid og utvikle kompetansearbeidsplassar. Det viktigaste no er å posisjonere seg for å ha tilgang til nok fornybar energi til å kunne ta sjansen om den byr seg som igjen vil sikre varig tilgang til fornybar og lokalprodusert energi. I Hurdalsplattformen er det nedfelt at Staten skal gå føre i å fremja teknologiutvikling, innovasjon og grøn omstilling gjennom offentlege innkjøp. Statens vegvesen er dei som har gått i front med sine ferjeambod. K5 er stort nok til å få ei omstilling innan anleggssektor gjennom hydrogen. Å få tilgjengeleggjort straum frå Statnett er fyrste og avgjerande steg.

Me er avhengig av investeringsvilje for å skapa verdiar og arbeidsplassar og då må me ha tru på framtida. Stanghelleseminaret som alt er arrangert to gonger kan vera møteplassen der ein får synleggjort moglegheitene som vil koma i kommunen. VNS er klar for å arrangere eit nytt Stanghelleseminar, og det er òg Harald Stanghelle.

VNS er klar for å vera med på felleskontoret i Gatå. Det vil gjera VNS meir tilgjengeleg og terskelen for å bli oppsøkt av potensielle gründerar blir lågare. Dette kan bli eit godt og viktig tiltak for næringsutvikling i Vaksdal kommune.

VNS meiner det er avgjerande å starta med ein forventningsavklaring mellom administrasjon, politikk, næringsliv og VNS. Skal me unna alle godt er god kommunikasjon og tid i saman avgjerande for å involvera og bygga den tilliten som trengs for å utvikla Vaksdal kommune dit alle ynskjer. VNS kan bidra til å bygga desse relasjonane og dermed styrka eiga rolle som bindeledd mellom kommune og næringsliv. Den beste måten å få dette til på er å ha nokre konkrete mål og tiltak som ein gjennomfører i fellesskap. Dette må me sjå på saman når den tid kjem, men t.d. skjeringspunktet reiseliv/omdøme kan vera ein måte å leggja grunnlaget for eit godt samarbeid?

Personleg, frå dagleg leiar si side, ser ein fram mot å ein ny variert kvardag med utfordringar!

Beste helsing

Vidar Skeie

dagleg leiar i Vaksdal Næringssselskap AS